

საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი
ბრძანება № 01–08/15

25 აპრილი 2012 წ.

ქ. ბათუმი

სსიპ - ბათუმის შოთა რუსთაველის სახელმწიფო უნივერსიტეტში სასწავლო პროცესის ხარისხის მონიტორინგის დამატებითი ღონისძიების განხორციელების შესახებ

„უმაღლესი განათლების შესახებ“ საქართველოს კანონის 22-ე მუხლის, რსუ-ს წესდების მე-13 მუხლის საფუძველზე,

ვბრძანებ:

1. სსიპ - ბათუმის შოთა რუსთაველის სახელმწიფო უნივერსიტეტში სასწავლო პროცესის ხარისხის ვიდეო-მონიტორინგის (ლექციების/ჯგუფში მუშაობის მიმდინარეობა და სხვა) განხორციელების მიზნით უნივერსიტეტის აუდიტორიებში და გამოცდებისა და უნარ-ჩვევების შეფასების ცენტრში გამოყენებული იქნეს ვიდეო-სამეთვალყურეო სისტემა აუდიო ჩაწერის გარეშე, აუდიო-ვიდეო ჩაწერა განხორციელდეს წინასწარი შეთანხმებით ლექციების ჩაწერის მიზნით.
2. ყოველი სასწავლო წლის განმავლობაში სასწავლო პროცესის, რეიტინგული შეფასებებისა და გამოცდების ვიდეო-მონიტორინგი განახორციელოს რექტორმა (საჭიროებისამებრ), რექტორის მოადგილემ, რსუ-ს და ფაკულტეტების ხარისხის უზრუნველყოფის სამსახურების თანამშრომელმა, სასწავლო პროცესის მონიტორინგის ჯგუფის ხელმძღვანელმა და ფაკულტეტების დეკანებმა - მუდმივად.
3. ბრძანება გამოქვეყნდეს რსუ-ს აუდიტორიებში, ფაკულტეტებისა და კანცელარიასთან განთავსებულ საინფორმაციო დაფებზე;
4. ბრძანება შეიძლება გასაჩივრდეს მისი გამოცემიდან ერთი თვის ვადაში საქართველოს განათლებისა და მეცნიერების სამინისტროში (ქ. თბილისი, დიმიტრი უზნაძის ქ. №52);
5. ბრძანება ამოქმედდეს ხელმოწერისთანავე;

რექტორი, სრული პროფესორი

ალიოზა ბაკურიძე